

欽定剿平粵匪方略

欽定勦平粵匪方略卷一百四十九

丙辰年

三月十一日

戊辰

向榮奏言逆匪竄擾炭渚橋頭

一帶臣令總兵張國樑等添兵助勦該逆撲犯
下蜀街營盤張國樑帶勇馳援立將賊匪擊退
余萬清等由高資往攻炭渚又將賊踞村落焚
燬該逆復糾衆至下蜀街對山一帶築壘並分
股直撲我營鄧紹良惟以兵單賊衆爲言毫無

布置臣因與署將軍福興等籌商張國樑勇敢有爲素爲各營兵勇悅服昨經派往助剿若就近接統諸軍較能得力二月二十日檄令張國樑總統各軍飭鄧紹良抽帶楚兵凱勇撤回龍潭更換副將秦如虎帶領廣西兵勇及四川台勇一千三百人馳往下蜀街並歸張國樑調遣復經吉爾杭阿派令虎嵩林帶兵一千六百餘

名由高資前來會剿該逆大股蠡屯橋頭築壘
甚多張國樑審度地勢情形將各兵勇分別移
營賊見我軍逼近連日出黨來撲均經官兵擊
退適吉爾杭阿於二十四日由鎮營馳抵高資
親至東西堰履勘形勢復令秦如虎等屯兵兩
峽橫山之上聯絡聲勢並分紮山下防賊內竄
之路二十六日張國樑密派兵勇夜襲顧家壩

賊壘將溝外椿籤焚燬一空該逆復分股下竄
張國樑自領各軍進攻下蜀街對山各壘二十
七日出隊連破賊壘三座共殺賊一千五六百
名其東西堰等處亦經秦如虎等分督進攻直
抵橋頭焚破賊壘二座殺賊數百名並馳回下
蜀街沿江追勦將洲上賊卡十餘處悉行焚燬
二十九日又將下蜀街新築賊壘二處乘勝燔

燬其另股賊匪欲來應援復經兵勇截回乘勝
連破太平橋大小二壘賊屍徧地餘匪奔向三
思莊賊巢秦如虎督同李鴻勳等兵勇追殺張
國樑復調集大隊乘勢攻撲該逆伏匿壘牆施
放槍礮我軍仍前進徧適撫臣吉爾杭阿由東
西堰馳至督軍會勦合力奮攻該逆越濠奔竄
兵勇追剿十餘里斃賊無算統計連日破賊七

壘焚斬溺斃之賊四千有餘生擒二百餘人現
在下蜀街橋頭炭渚一帶一律肅清惟黃泥洲
有賊壘三座逼近高資若將該處賊壘掃除卽
可斷其沿江竄路總兵吳全美江長貴合圍蕪
湖賊壘連日均有斬獲其副將李德麟所領各
船上勦大通之賊與吳全美派來之船會合攻
擊燔沈賊船二十餘隻奪獲九隻生擒賊匪十

五人擊斃淹溺無算上游漸次肅清足扼賊匪
下竄惟有催令江長貴等迅圖掃蕩蕪湖賊壘
力殄餘氛其打仗陣亡之把總虎振岡守備徐
鎮海六品軍功徐汝璜仰懇

天恩俯准交部從優議卹奏入

上諭內閣曰金陵逆匪大股外竄蔓延炭渚橋頭一帶
張國樑總統各軍設法攻剿連破賊壘賊卡斃匪四

五千名現在下蜀街一帶肅清總兵吳全美等合攻
蕪湖逆壘連日均有斬獲副將李德麟上勦大通之
賊連燬賊船數十隻斃賊無算現已駛回蕪湖扼勦
仍著向榮督飭張國樑等乘勝速將黃泥洲賊巢掃
蕩會剿高資一帶務須扼斷該逆內竄各路並飭吳
全美等迅將蕪湖賊股殄除毋再遲延把總虎振岡
守備徐鎮海六品軍功徐汝璜打仗陣亡深堪憫惻

均著交部從優議卹

十二日己巳向榮奏言瓜州營盤失利托明阿退

軍秦家橋揚州危急江北情形萬分喫緊大局
所關非得威名素著之提鎮大員不足以振兵
氣查鄧紹良前在廣西湖南力保危城上年援
剿徽州克復蕪湖尤爲賊所深憚昨由六里店
撤回龍潭祇因意見之誤現已愧奮出力其所

帶湖南兵勇能戰能守若令統領往援足可制
賊當卽函商吉爾杭阿並囑由鎮營揀派得力
勁兵會同往援據稱已派廣東兵八百名虎勇
三百名先往揚州調鄧紹良渡江統領並令知
府溫紹原隨同勦辦臣已飛檄鄧紹良抽帶湖
南兵七百五十名凱勇五百名由龍潭拔隊取
道高資渡江會合溫紹原之勇由儀徵一帶進

勅仍隨同托明阿等保固揚州以扼北路門戶
現在張國樑已帶兵回抵龍潭所有東陽排頭
庵各軍併歸調遣飭卽乘勝勦辦務期迅就掃
除再將我兵移紮石埠橋逼近觀音門沿江聯
絡舟師以通北岸聲勢

同日吉爾杭阿奏言連接探報知江北失利揚
州危急遂卽星夜折回調派廣東官兵八百名

虎勇三百名令遊擊黃朝恩等管帶均由焦山渡江探明路徑疾趨揚州並將已報起程之六合勇五百名截留江北一併改道前赴揚州爲登陣守禦之計

同日文煜奏言臣接知府江清驥等稟逆匪大隊已在便益門外紮紵東渡當卽飛派該員等同直隸州知州雷鳳翥督帶練勇迅速堵截臣

亦星馳到營該逆在萬福橋西岸大肆焚掠約
有賊匪一千餘人我勇誓以死戰斬殺賊匪多
名逆衆仍回揚城該匪旣欲東竄則揚城迤東
之霍家橋嚴家橋新馬頭等處四通八達在在
堪虞且存勇祇有四百名沙頭萬福橋兩營炭
炭不可終日若該逆全勢東來惟有盡力堵剿
力遏賊氛

同日托明阿奏言三月初三日逆匪由凍青堡
一帶來撲薛家樓地方臣令副都統德興阿等
分路進攻槍礮齊施擊倒手執大旗賊目十餘
名復斃賊三百餘名生擒十六名奪獲旗幟器
械多件該逆又分兩股直奔徐家集等處俱經
伏兵截擊殲斃黃巾紅衣賊三十餘名長髮賊
一百餘名德興阿從旁兜截又斃賊三百餘名

燒斃賊一百數十名該逆全股敗退入城是日
先由臣派令總管西昌阿等帶兵馳往揚城西
北一帶扼剿擒賊多名官兵復分攻揚城行至
新河灣等處遇賊正搬運輜重往來不斷卽與
西昌阿會合痛剿共斃賊數百名搬運之物大
半委棄填塞道路我兵追至城濠始行收隊臣
查邵伯鎮係南北水路通衢前已飭文煜督帶

練勇嚴爲扼守現尙有翁同書在彼收集潰兵
兼籌防堵惟薛家樓司徒廟七里甸等處最爲
西北要道已派官兵分往駐紮嚴杜該逆西北
紛竄之路仍當設法緊攻揚城以圖早復惟揚
營及沿江一帶處處兵單現當萬難之際惟有
籲懇

天恩將和春福濟等克復廬州舒城等處官兵速撥二

千名來揚協勦以冀早滅賊氛再現在步兵不能得力全資馬隊副都統富春總管西昌阿協領富明阿參將成明等連日馳勦均皆身先士卒勇敢非常故能擒斬極多合併陳明

同日翁同書奏言臣查邵伯鎮迤南之大王廟及六牖口兩處足資扼守惟東南陸路必須添兵紮營邇來潰兵紛紛北上臣連日在邵伯截

留除飭赴仙女廟秦家橋歸伍外酌留防堵邵伯之兵僅有七百餘名實屬不敷分布擬於北路追回官兵內再留數百名庶足以杜北竄據參將陳昇等稟稱僅截回甘肅督標潰兵四百餘名其餘各營業經遠去幸附近居民聞臣在邵伯力扼北竄有大義鄉等處五十三莊各練民團約二千餘人守望相助衆志成城每日斬

拾零星賊匪數名 臣復出示懸賞人心稍定但鄉里小民手持農器豈能扞禦悍賊頃獲奸細據供賊遣伊等五十餘人至邵伯探路意欲攻陷高郵是北犯之計已決而西路大軍阻於西南其東路兵勇數千名及鎮江援師一千五百名除撥勇數百名駐紮灣頭外其餘皆以防裏下河爲名駐仙女廟距北來大路甚遠 臣以文

臣獨支北路萬一力不能遏賊匪直竄清江如
大局何應請

飭下托明阿陳金綬雷以誠等分堵要衝臣與文煜力
扼邵伯以防北竄一面呈請統帥早爲嚴密布
置

同日陳金綬雷以誠奏言瓜州逆匪糾合江南
下竄大股撲犯土橋焚燬西岸各營托明阿退

守三汊河賊復由該處渡河抄截東岸各營後
路三面受敵臣等祇得退守沙頭查東岸各勇
營盤均尙鎮靜約有三千名現已飭令嚴堵不
容賊匪旁竄一面派令鞠殿華帶本營兵四百
餘名駐紮沙頭協同防守並派英貴帶領通永
昌平等兵約及千名馳赴仙女廟邵伯等處扼
截該逆北竄之路臣等撫馭無能旣未能先事

嚴防又不獲臨時勦滅實屬罪無可逭惟有仰
乞

皇上天恩將臣等交部從重治罪並請

飭下吉爾杭阿迅撥官兵渡江協勦以維大局再揚州
府城兵勇無多勢難堵勦該知府世焜等以城
陷捐軀深堪憫惻應請

旨從優議卹以慰忠魂均奏入

上命軍機大臣傳諭德興阿翁同書文煜曰逆匪竄踞
揚城由便益門外紮鋒東渡在萬福橋西岸焚掠雖
經練勇擊退而揚城迤東之霍家橋等處在在堪虞
存兵祇四百名沙頭萬福橋兩營勢甚危險薛家樓
等處又爲西北要道並有逆賊數萬豫備北竄打通
儀徵六合之說托明阿等雖獲有勝仗而逆勢狡猾
西北兩路及東路一帶均應嚴密設防杜其紛竄托

明阿請調廬州舒城官兵二千赴揚協剿現在皖省
剿匪正在喫緊恐難分撥已諭令和春等飭催伊興
額德昌速帶馬隊千名馳回清江其直隸官兵一千
八百名陝西調赴豫省之駐防官兵一千名山東官
兵一千名均赴清江著德興阿等選派統兵得力大
員駐紮清江會同邵燦以爲揚州後路聲援如揚城
一帶情形緊要必需馬隊方能得力卽可飛咨邵燦

就近將伊興額德昌等所帶之兵調撥現據向榮奏
江北情形喫緊派鄧紹良抽帶湖南兵七百五十名
凱勇五百名由龍潭取道高資渡江會合溫紹原之
勇由儀徵一帶進剿並據吉爾杭阿奏調派廣東官
兵八百名虎勇三百名由焦山渡江疾趨揚州萬福
橋爲糧臺重地邵伯爲北路要衝設有疏虞關繫匪
細德興阿節制全軍翁同書亦係幫辦大員此時逆

匪紛竄固當趕緊攻勦揚州而萬福橋邵伯兩路兵力既單尤應分兵往助翁同書究係文員該大臣務揀派得力武職大員前往協同防勦仙女廟兵勇爲數尙多該處距北路甚遠卽當飛速調派扼要堵截萬不可以有用之兵置之無用之地沙頭東岸各勇營盤據雷以誠等奏稱約有三千餘名是否足資防堵該大臣等總當統籌大局嚴密分布毋再疏虞

上又命軍機大臣傳諭和春福濟曰前因揚州失守清
淮兵單諭令英桂飛催伊興額等所帶馬隊一千名
迅赴清江歸邵燦調遣以杜北竄門戶本日據托明
阿奏揚州西北兩路賊匪分撲秦家橋蔣王廟薛家
樓等處雖經官兵擊退而司徒廟七里甸一帶均爲
衝要堵剿宜加嚴密並據文煜奏逆賊竄撲萬福橋
窺伺裏下河我兵竭力奮殺該逆始敗回揚該藩司

等存勇僅四百名勢難堵遏所奏危急情形較之皖省擒匪尤爲緊要伊興額等馬隊著和春福濟飭令迅赴清江毋稍遲緩

上諭內閣曰此次兩路堵剿揚城逆匪尙屬得手著德興阿等激勵將士迅卽攻克揚城毋稍遲緩所有揚郡失陷時知府世焜參將祥林力戰捐軀深堪憫惻均著交部從優議卹

同日怡良奏言逆匪在南岸圖竄均爲我兵連
日截勦殲斃甚衆並將沿江下蜀街等處賊營
全行焚燬該逆無存身之地是以竄入鎮城並
分竄瓜州繼又竄入揚城難保不乘機由灣頭
竄入下游江路焦山以下江面節節可通內河
常州所屬之江陰孟河等口尤爲切近必得加
意嚴防查蘇松兩府各標營官兵先後經向榮

吉爾杭阿咨調業已調撥二千三百名陸續赴金陵軍營現又值護送海運船隻出口之際未便再行抽調惟有飛飭沿江各營就現存之兵嚴密防守江面並分飭各團練晝夜協防冀免逆匪由江竄入內河臣仍不時密查以期處處有備無患奏入報

十四日 辛未 崇恩奏言 臣接奉

諭旨令 臣派兵赴清江協防遵卽將武定營兵四百名
臣標右營兵三百名派遊擊馮化青等分起管
帶迅卽馳赴清江聽候邵燦調遣惟清江戒嚴
則東省兗沂兩郡亦必震動該二府額兵均已
調派遠出必須添兵協防且爲南路策應 臣擬
再於登中登右膠州卽墨四營各抽調兵一百

五十名青州萊州甯福三營各抽調兵八百名
壽樂營抽調兵五十名並將前次由金鄉羊山
調往曹屬之兗中兗右兵三百名一併調赴兗
沂兩郡察看各路情形分別擇要布置以期東
西均可應援臣若偏駐曹屬距兗沂較遠鞭長
莫及查兗郡爲沂曹要隘臣擬駐於兗州府城
以便居中調度其曹沂兩郡要隘仍責成各該

聞

欽道實力嚴防奏入報

同日廉兆綸奏言臣在廣信府城棚次屢閱探報逆匪竄陷吉安郡城分爲兩股一赴泰和縣撲周汝筠之營一赴樟樹鎮撲周鳳山之營旋聞周鳳山敗退該逆遂疊陷撫州進賢東鄉及饒州府屬之安仁縣城臣查江省自九江不守

以來省城文報皆取道於安仁以達廣信實爲
進京要路而安仁扼要之處又在撫州今二地
復失是省城四面皆賊江西毗連六省今逆賊
狍猖至此於東南大局甚有關係臣現駐廣信
府與浙閩相通現已飛咨該二省督撫並駐紮
衢州之湖南臬司周起濱就近進兵援救應請
旨飭令該督撫等迅速撥兵來援奏入

命軍機大臣傳諭曾國藩文俊廉兆綸曰本日據廉兆綸奏撫州進賢東鄉安仁於二月二十三等日相繼失守是該逆已踰贛江而東延及饒境省城四面悉爲賊踞文俊等前派遮克敦布林福祥兩軍分援吉安撫州何以不飛速前進致賊勢愈形延蔓遮克敦布等所帶兵勇合之周鳳山等水陸各軍爲數不少著曾國藩文俊督飭該副將等迅速攻勦力保省

垣毋得再事株守廣信饒州兩郡爲該省完善之區
未容再有疏失廉兆綸所請援兵現已諭令王懿德
等撥兵三四千名何桂清酌撥兵勇分投赴援卽著
曾國藩等飛催各該省援兵分別由建昌廣信等處
前進旣以保衛饒廣卽可援救省城其饒廣各屬要
隘並著廉兆綸督飭耆齡等就現有兵勇實力堵禦
仍相機將安仁縣城速圖克復與省城聯絡聲勢並

將近目情形隨時奏報

上又命軍機大臣傳諭王懿德呂佺孫何桂清曰逆匪
自攻陷吉郡後撫州進賢東鄉安仁紛紛失陷近復
窺伺廣饒江西毗連六省匪勢猖獗設省城復有疏
虞東南大局何堪設想著王懿德呂佺孫於所屬各
營汛內就近調撥精兵三四千名簡派得力大員管
帶迅速起程由建甯取道廣信設法進攻以通要路

而保省垣至浙江之兵除各路派防外其節次調往江蘇安徽者爲數已屬不少惟浙省與江省唇齒相依周起濱現在帶兵駐紮衢州著何桂清酌量緩急迅飭該臬司就近進兵由廣饒一帶援救江西毋稍延緩

十五日
壬申何桂清奏言
臣聞江西吉安撫州等

城失守賊復連陷進賢豐城東鄉安仁等縣分

股圍攻省城勢甚狡獪並聞樟樹鎮周鳳山一
軍亦有挫失現在道路梗阻文報不通該省各
路軍情無從探詢浙省衢州以廣信爲門戶玉
山爲咽喉現在撫州失守與廣信壤地緊接玉
山以內常山獨當其衝防務萬分喫重在防兵
勇祇有三千五百名常山隘口紛歧不敷分布
浙省兵勇節次調赴鎮江及皖南各路爲數不

少茲於無可籌撥中在省城派撥南河壯勇二百名徽州防所調回嚴協兵三百名威坪防所調回處標兵三百名並於提標及紹興各協營飛調官兵一千名又飛咨江蘇撫臣將從前調往虎勇九百名仍飭師長鑣管帶回浙並咨督臣催提漳州兵勇五百名星夜分路馳赴衢防俾資策應其各路兵勇未到以前已咨行總兵

饒廷選富勒興阿湖南臬司周起濱金衢嚴道
劉成萬等先於衢郡召募壯勇扼要防守並令
饒廷選駐紮玉山以當前敵富勒興阿駐紮屏
風關以顧後路其江山開化二縣於撥兵之外
兼練團丁並令募勇嚴防力杜該匪內竄惟浙
省在防文武未歷戎行深爲可慮昨已咨商向
榮請揀派威望素著之提鎮大員前來督辦並

請吉爾杭阿張芾江長貴於鎮江皖南各軍營
察看情形如可移緩就急各選精銳之師以助
指臂奏入

上命軍機大臣傳諭官文胡林翼曰前因曾國藩等請
飭羅澤南回軍援救江西並胡林翼奏請暫留羅澤
南俟旬日以後再行派兵赴援當經諭令官文胡林
翼斟酌緩急辦理現據廉兆綸奏江西自吉安失守

後賊復連陷撫州進賢各郡縣省城四面受敵消息
不通請速撥兵援救並據何桂清奏江西省城現已
被圍江西毗連六省形勢極關緊要現在逆勢披猖
省城危急設有疏虞則東南大局豈堪設想此時籌
撥援兵計惟羅澤南一軍馳赴省垣庶危城可保著
官文胡林翼酌量情形如武漢賊勢實已窮蹙卽照
胡林翼前請先派官兵數千名馳援江西令羅澤南

暫緩起程以免功敗垂成若武昌急難克復則羅澤
南雖留無益卽著官文等飭令該員統帶原有兵勇
剋日起程回援江省並設法迅速馳赴南昌毋稍遲
緩勇目詹啟綸施紹恆等所帶各勇如此時正資攻
勦則仍留該大臣軍營調遣儻不能得力卽著官文
飭令將所有義勇帶往河南交英桂軍營聽候差遣

同日陳金綬雷以誠奏言臣等接據候選直隸

州知州雷鳳翥稟報三月初六日兵勇出隊渡
過萬福橋賊匪率衆來撲我軍施放槍礮斃賊
六十餘名賊稍退卻我軍奮勇直前轉戰至五
臺山又出賊一二千人各帶大木盆意欲徑渡
萬福橋見我軍追逼卽分三股我軍奮力攻擊
賊始敗退追壓至五臺山賊竄入城力戰四時
之久殺賊一百四十餘名現在揚城復失亟應

力圖攻克參將英貴等現有官兵二千餘名其
由吉爾杭阿向榮調撥之兵已陸續渡江不日
兵勇雲集即可分路進剿臣等卽於初六日督
帶官兵八百名馳赴萬福橋駐紮一俟兵力齊
全剋日進取斷不容其北竄

雷以誠又奏言文煜以保守糧臺爲名將萬福
橋各勇全行調赴邵伯保護家眷並有聞警先

逃情事臣因該營空虛飭令雷鳳翥派勇前往駐紮初六日遇賊接仗獲勝後文煜始回仙鎮輒謂雷鳳翥之勇係伊調來且親自督戰以文其聞警先逃之咎又糧臺存項有餘文煜扣餉不發致使衆兵屢次滋鬧江北全局敗壞實由於此奏入

上命軍機大臣傳諭德興阿翁同書曰本日陳金綬雷

以誠奏初六日雷鳳翥禦賊獲勝各情節卽係前日
文煜所奏之仗惟據雷以誠稱雷鳳翥獲勝後文煜
始回仙鎮並未駐守本營又稱文煜扣餉不發以致
兵心渙散且有聞警先逃調勇回保眷屬情事是否
屬實著德興阿翁同書秉公密查務將實在確情據
實具奏陳金綬雷以誠業經革職聽候查辦所帶兵
勇卽著該大臣迅派大員接帶以資攻勦向榮吉爾

杭阿派來赴援之兵應如何分撥布置亦著妥籌扼要處所防勦兼施嚴杜北竄

十六日癸酉江南河道總督庚長奏言查得揚州

北距清江僅三百餘里運河一水可通其西路由天長繞至蔣壩東路由裏下河繞至淮安亦有路可達清江現在瓜州儀徵一帶盡係賊巢清淮兵勇無幾且河庫空虛情形尤爲可慮雖

邵伯鎮有翁同書收集殘兵在彼扼守又有邵
燦所派兵勇駐紮平橋均極單薄現飭高寶各
州縣激勵民團竭力守禦其西路蔣壩地方飭
令同知潘榮淮會同原派各員加意防堵其東
路裏下河以泰州爲門戶亦飭該地方文武杜
塞要隘以防偷越惟兵力不敷南路籌防已多
竭蹶而北路又須防堵捻匪實有顧此失彼之

虞應請

旨飭調精兵迅速南來助剿以固江北而維大局奏入
上命軍機大臣傳諭邵燦庚長曰清江距揚城較近運
河東西水路可通蔣壩淮安等處現在瓜儀一帶盡
係賊巢清淮兵勇無幾其汊港紛歧可通舟楫處所
在在可慮庚長現已到任所有清江防守事宜責無
旁貸著會同邵燦籌商堵禦凡清江以南清江以北

水陸要隘處所均須妥爲設防不可稍涉大意

同日托明阿奏言逆賊自占揚城後未及十日業已疊受重創我軍聲威復振三月初八日臣親督各隊分投攻截行至吳家莊地方卽見賊匪紛紛出撲我軍奮勇迎擊協領烏爾恭額等帶兵馳往西門緊攻時副都統德興阿等由司徒廟進攻廿四橋該逆大股復因西南門被攻

緊迫回奔援應我軍追至天甯門外之建龍寺
沿途斬殺甚多其三汭河之賊亦經總管西昌
阿等擊敗該逆又出大股賊黨萬餘直撲秦家
橋營盤各隊登時環集併力痛勦立將騎馬賊
目轟斃賊衆鳬水遁逃淹斃不計其數我兵乘
勢掩殺並將援賊痛勦賊黨首尾不能兼顧共
斃賊二千餘名生擒十七名奪獲贏馬器械多

件餘匪逃竄入城我軍馬步各隊分布西南北
三門外堵截臣惟有乘此聲勢激勵將弁力圖
攻拔揚城

托明阿又奏言前因路途梗阻與東岸消息難
通至三月初七日始探得陳金綬雷以誠均在
萬福橋舟次初八日官軍進攻揚城逆勢已屬
不支如彼時東岸派有兵勇或隔河夾擊或從

旁襲取無難立時攻克綠文煜於截留在邵兵
丁發給全餉一月其在揚州隨勦兵丁口糧屢
經催提僅解到銀一萬四千兩按名發給祇敷
五六成之數兵丁率多離揚就邵因此更形單
薄未能進取臣惟有加意拊循仍當函催陳金
綬等趕緊前進擇要安營一面會商環攻揚城
斷不敢稍存畛域奏入

上命軍機大臣傳諭德興阿翁同書曰揚州東路兵勇
爲數不多當托明阿等分投進攻之時何以陳金綬
等並不督兵夾擊以致揚城尙稽克復至兵丁口糧
最關緊要文煜總理糧臺何以任意支發多寡不均
著德興阿翁同書將托明阿所奏等情並前次疊飭
查辦各情事一併查明據實具奏毋稍徇隱

十七日

甲戌

翁同書奏言揚營潰兵臣在邵伯截

留者約三千餘名除酌留防兵七百名外餘已
分別飭赴仙女廟秦家橋歸隊其在清江浦截
回者共計一千四百餘名遴派得力將弁管帶
囑令整隊而進遇賊卽擊徑赴托明阿軍營歸
伍助剿臣仍親督駐邵伯官兵晝夜嚴防將六
隔河內大小船隻全數收泊北岸以防搶渡逆
匪自踞揚城後屢次窺伺北路均經民勇截擊

回城不敢過雷塘瓦窰鋪而北如灣頭設有重
兵則邵伯人心稍固聞提督鄧紹良已率鎮江
援師三千人過江乃馳書雷以誠懇其分撥駐
紮灣頭黃泥港等處杜賊北走邵伯之路惟援
師皆駐東路揚城北面如司徒廟瓦窰鋪一帶
並無一兵該處路徑叢雜湖汊紛歧均通北路
在在可虞幸秦家橋蔣王廟二處屢獲勝仗賊

聞

鋒少挫若乘此時四面環攻似尙易於得手奏
入報

十八日乙亥托明阿奏言提督鄧紹良統帶金陵

鎮江兵勇二千餘名來揚助剿當因司徒廟地方緊要咨商鄧紹良前往駐紮詎接探報三月初十日突有金陵逆賊數千直撲江浦縣城兵

勇接仗因衆寡不敵旋即失陷因復飛咨鄧紹
良兼程前赴浦口會同武慶將江浦縣城趕緊
克復並檄飭副都統穆克登額帶領馬隊分紮
浦口六合遊擊吳章龍等帶領步隊分紮六合
儀徵一面飛咨和春等抽撥官兵二千名及副
將吉連步隊前往江浦會合助剿

同日陳金綬雷以誠奏言 臣等督帶廣東兵八

百名馳赴萬福橋駐紮陝西提督鄧紹良亦卽
統帶兵勇渡江前來當經商令鄧紹良與張翊
國駐紮灣頭扼截北竄復派總兵鞠殷華扼紮
灣頭南岸以爲後路應援並飭候選直隸州知
州雷鳳翥帶勇一千三百餘名分駐黃泥溝嚴
家橋等處並飭參將英貴挑選精銳扼守霍家
橋以資策應現在東路官兵約共二千餘名邵

伯雖係要鎮究屬東北後路萬福橋等處旣皆
派兵扼守邵伯可以無庸留兵現已分咨文煜
翁同書卽將收回東路各兵各歸各隊卽日調
回仙鎮萬福橋配齊軍械以便進剿不得截留
邵伯並飛咨吉爾杭阿等再行添撥精兵渡江
助剿

陳金綬雷以誠又奏言臣等連日收集散兵鼓

勵士氣正在分投布置據雷鳳翥稟該牧赴糧
臺請領口糧奉文煜札飭以托明阿行知奏稿
有東岸各營盤全行燒燬並無一兵一勇等語
可見練勇亦多潰散何得仍照原數請發先發
錢三千串接濟飭查潰散若干造冊送覈臣等
聞之不勝惶駭當此強寇壓境萬分危急之時
軍心渙散賴此練勇以杜竄擾設該勇亦以餉

缺瓦解復蹈覆轍何堪設想不得已飭令雷鳳
翥先將領到錢文儘數散放一面妥爲拊循各
勇均尙安靜臣等非敢謂勇皆可靠蓋因正月
十九日虹橋失利臣等查知帶勇之外委張逢
春首先潰逃當卽正法故此次各勇尙知畏懼
未敢擅退幸得保全連日各勇出隊爲衆目所
共覩乃托明阿遠在西路不察虛實竟謂東岸

並無兵勇殊不可解伏查二月二十八日逆匪
撲犯西岸營盤雷鳳翥曾派外委熊定邦管帶
練勇三百名馳赴托明阿大營接應當奉托明
阿面諭已調到官兵三百名虹橋等處亦在喫
緊令將該勇帶回堵剿二十九日西岸各營全
失東岸緊急雷鳳翥親帶練勇三百名隨同臣
等在八里埠河口接仗時因三汊河失守賊由

旨簡派大員逐營查點

該處渡河抄截我軍後路衆寡不敵始行撤回
現在新舊各勇統計三千一百七十五名應請

同日翁同書奏言三月十三日探聞賊情稍懈
揚城有可復之機密約德興阿攻其西南一面
知會薩炳阿酌帶防兵進剿適報鄧紹良已帶
兵勇由灣頭出隊臣復派西安馬隊通永步兵

會合民國由城北環攻已將揚城克復均奏入
上命軍機大臣傳諭德興阿翁同書曰本日據陳金綬
雷以誠奏江南兵勇到齊駐紮灣頭圖攻揚州一摺
又片奏托明阿不察虛實謂東岸並無兵勇請飭訪
查等語所稱邵伯爲東北後路無庸留兵該處爲糧
臺重地亦難漫無防範至因兵力尙單飛咨向榮吉
爾杭阿再添精兵助剿一節金陵鎮江防剿亦屬喫

緊業經派撥二千餘名來揚協勦若再行添調該處
兵力愈單勦辦豈能應手著德興阿等查看情形如
兵勇不敷分布卽飛咨邵燦庚長將伊興額等馬隊
及現調之直隸陝西山東各官兵內酌量分撥以期
助勦留防兩無貽誤至所稱此次各勇尙知畏懼未
敢擅退托明阿遠在西路不察虛實竟謂東岸並無
兵勇以致請領口糧文煜據托明阿行知僅發錢三

千串等語瓜州迭匪竄撲運河兩岸衝破營盤疊據
文煜托明阿先後具奏何以陳金綬雷以誠奏稱西
岸各營全被賊燬東岸勉力支持並未一律潰散賊
撲三汊河營盤該革員等並未派兵接應全行退至
沙頭此等情形與潰散何異如果平時軍律嚴明何
至遇賊輒退著該大臣等將所奏各情秉公查明據
實具奏又據翁同書馳奏揚城業已克復托明阿奏

金陵逆匪數千直撲江浦縣城旋即失陷我兵克復揚州情形諒德興阿已奏報在途現經托明阿派撥兵勇卽飭鄧紹良武慶迅圖克復城池及水師扼截江面杜賊續竄之路逆匪現在逃往何處該大臣卽偵探明確迅速兜擊毋令肆行奔突武慶之兵曾否接仗及該縣文武下落均著確切查明迅速具奏上又命軍機大臣傳諭和春福濟曰揚州於十三日攻

克其詳悉情形尙未據德興阿奏到而江浦被陷係
初十日事若該逆竟從滁州天長等處衝突則北竄
大有可慮且天長緊接揚州亦恐其與瓜揚逆黨竄
合勦辦更形掣肘此時惟有由廬舒揀撥勁旅以資
堵截著和春福濟迅卽就近選派精兵委令得力大
員管帶馳往江浦毗連之地極力遏其北竄其臨淮
正陽各關隘均爲北路要途並著節節嚴密布置該

提督等斷不可稍分畛域仍以無兵可調爲詞致誤大局自干重咎

上又命軍機大臣傳諭邵燦庚長曰本日據托明阿奏金陵逆匪直撲江浦縣城旋即失陷賊勢狻猊之極北竄可虞且恐與徐州捻匪勾結辦理更形棘手前疊催伊興額等馬隊並直隸山東陝西官兵迅赴清江此時諒已陸續可到著邵燦等即會商調遣探明

賊蹤所在何處喫緊卽往何處策應斷不可專以防
守清江爲重稍事拘泥再本日又據翁同書奏揚城
已於十三日克復惟此股賊匪竄往何處尙未具奏
並著邵燦等迅卽確探情形相機堵剿隨時奏報以
慰廑念

十九日丙子向榮奏言總兵張國樑回抵龍潭卽

派兵添紮各營乘勝往襲三汊河冒雨進攻賊

欲逃竄回城張國樑設伏以待該逆果於大雨之際棄壘竄逃張國樑率同副將蔡應龍等奮力追擊各路伏兵齊起俘斬數百奪獲大礮槍械無算該逆拌死潰竄江邊當將三汊河張楊村各壘蹋毀連夜跟蹤追剿所有石埠橋棲霞各賊亦紛紛逃潰經秦如虎等繞路截殺張國樑由後追擊臣復商令署將軍福興督軍接應

餘匪盡棄槍礮輜重由觀音門沿江一帶遠逃
被我兵追逼撲河淹溺無數所有三汊河棲霞
石埠橋一帶卽日肅清起獲米糧火藥甚多生
擒賊匪二百餘名張國樑統領調遣旬日間殺
賊不下一萬餘衆盡掃逆壘南岸一律肅清雖
該總兵調度有方而各軍踴躍用命著有微勞
可否仰懇

天恩准予擇尤併案保奏出自

逾格鴻慈奏入

上諭內閣曰金陵匪黨分股內撲疊經向榮派令總兵張國樑等督兵進剿將沿江賊壘盡行燒燬南路一律肅清在事員弁奮勇可嘉著向榮擇其尤爲出力者併案保奏候朕施恩

同日庚長奏言署總兵傅振邦等率領兵勇勦

辦徐州府屬之雒河集匪徒疊獲勝仗該匪計
必糾合大股意圖復逞原應厚集兵力會合燒
勦惟現在瓜州賊匪復陷揚城希圖北竄清淮
防禦倍關緊要不得不先其所急擬俟直隸陝
西等省官兵到後卽與漕臣邵燦熟商酌撥一
旅赴徐協勦以杜勾結仍飛飭該鎮道就現有
兵勇相機勦辦不得守候客兵致滋觀望至瓜

州之賊進踞揚城時出窺伺灣頭等處清江素
無城郭臣已檄令同知朱善張等於各處要隘
派兵嚴防又遴派幹員於運河南北兩岸晝夜
嚴查以防奸細奏入

上命軍機大臣傳諭邵燦庚長曰據庚長奏徐州勦匪
獲勝並清淮守禦情形覽奏均悉所稱徐州賊匪屢
受懲創必糾合大股意圖復逞擬俟奉派兵到酌撥

一旅赴徐自爲會合兜勦之計惟疊諭直隸山東等省迅派官兵馳赴清江原爲高寶清淮最關緊要必須重兵駐守以資防勦若撥赴徐州則揚州後路仍屬兵單現在揚城雖已克復而此股賊匪竄往何處尙未據德興阿等具奏況江浦失陷比竄更屬可虞邵燦等仍當遵奉前旨相機堵勦所有伊興額等馬隊及直隸等省官兵到時應調何處仍當酌量緩急

奏明請旨一面仍嚴飭傅振邦等就現有兵勇竭力
勦辦不得守候客兵轉致遷延時日

欽定剿平粵匪方略卷一百五十 丙辰年

三月二十日 丁丑 德興阿翁同書奏言揚州踞逆

於本月十二十三等日向薛家樓一帶繞撲經
臣德興阿親督馬步各隊分路截剿先後將賊
匪擊退該逆不能北竄卽向樸樹灣遁逸城內
之賊出城接應又經富春等截其歸路該逆不
能退回斬殺過半卽會同鞠殿華帶兵進城搜

剿餘匪立將城池收復據富春鞠殿華面稟城
內各門未見他處兵勇接應其被截不能入城
之賊復糾三汊河瓜州賊黨與官軍抗拒經臣
等督兵痛剿該匪遂竄往各鄉藏匿現在官兵
數少未能兼顧守城惟力保營盤爲要查提督
鄧紹良統帶江南援師駐紮灣頭該處情形不
甚喫緊卽經飛咨該提督分兵一半前來援應

現在賊蹤距蔣王廟營盤仍不過里許臣等惟
有相機截勦先杜該逆北竄以維大局

同日陳金綬雷以誠奏言揚城踞匪於三月初
十日竄至霍家橋等處臣等當派參將英貴帶
兵駐守並飭直隸州知州雷鳳翥馳往協勦十
一日該逆直衝霍家橋張鳳山等督率兵勇抄
殺臣等分投扼守探知揚城賊匪聞提督鄧紹

良等兵到頗覺驚慌當卽知會該提督等乘機
迅攻一面飭令雷鳳翥等帶勇堵剿十二日鄧
紹良親督兵勇逼近揚城當毀賊卡兩重殺賊
數十名該逆分股出城抗拒又經我軍截殺是
夜冒雨由南門竄逸城中留賊無多臣等飭令
雷鳳翥調齊各勇攜帶雲梯先在五臺山埋伏
雷鳳翥帶勇八百名前往接應一面知會鄧紹

良由南門堵剿十三日我軍於便益門外豎梯
登城殺斃城上賊匪十數名打開城門雷鳳翥
與鄧紹良均親督兵勇進城斃賊多名當將揚
城收復惟郡城遼闊現存兵勇不敷駐守臣等
會商鄧紹良先於城外寶塔灣等處派撥兵勇
扼要駐守仍派鞠殿華駐灣頭以杜該逆回竄
均奏入

上命軍機大臣傳諭德興阿鄧紹良翁同書曰揚城收復官兵爲數尙少未能兼顧守禦賊蹤距蔣王廟仍不過里許鄧紹良後師現駐灣頭自應移緩就急先行馳赴大營協力助剿本日已降旨令鄧紹良幫辦德興阿軍務該提督久經戰陣熟悉賊情自必能操勝算卽著與德興阿等統籌全局何處情形喫緊卽當撥兵前往堵剿前調山東兵一千名及伊興額等

馬隊一千名計此時可抵清江著德興阿等行知邵
燦庚長迅調來揚將薛家樓三汊河一帶賊黨次第
剿除陳金綬雷以誠所帶兵勇前已諭令德興阿另
派大員接管如尙未有人著暫令陳金綬雷以誠在
萬福橋等處駐紮托明阿並著留於德興阿軍營效
力以贖前愆再據陳金綬雷以誠奏稱攻剿獲勝會
同鄧紹良收復揚城各情與德興阿等奏報所稱城

內各門未見他處兵勇接應之語情節不符著德興阿等與前次交查各件一併查明具奏

上諭內閣曰陝西提督鄧紹良著在德興阿軍營幫辦

軍務

同日向榮怡良吉爾杭阿奏言臣等飭鄧紹良援勦揚州並飭前任江蘇臬司查文經隨同商辦戰守事宜旋聞托明阿退守蔣王廟舊營已

將江浦等處官兵調去又聞該逆有乘虛侵犯
江浦之信並據署江浦縣知縣曾勉禮稟請轉
咨托明阿撥兵援應臣吉爾杭阿當飭守備夏
定邦迅速折回六合據探初十日有賊船由金
陵上河口渡江直撲江浦縣城並聞有徑撲浦
口之信臣吉爾杭阿當飭千總藍新恩渡江助
剿旋聞江浦縣城已失臣等當卽催令夏定邦

等星夜由下蜀街渡江臣向榮復派總兵張國
樑等由石準橋至浦口相機進剿並飭總兵李
志和等力保儀徵縣城現在文煜翁同書俱在
邵伯鎮祇能招集潰兵使之歸隊而與托明阿
陳金綬雷以誠等相去各數十里聲勢不相聯
絡鄧紹良等雖已抄出賊前馳抵灣頭而孤軍
無助且揚州之東北兩門外並無一兵仍甚可

慮臣等惟有嚴飭鄧紹良查文經鼓勵兵勇力扼灣頭急圖進取以顧大局

向榮吉爾杭阿又奏言臣等接何桂清函江西逆氛已偪廣信浙江防務綦嚴請速撥兵救援當經臣吉爾杭阿將浙江調來之參將師長鑣及丹陽防堵之侍衛胡鳳鳴等所帶各勇飭令折回浙江惟該勇等雖皆可用究未經遇大敵

浙江現有兵勇亦多未厯戎行江浙脣齒相依若不扼住常山要隘致被賊匪闖入則江浙兩省全行震動因於無可抽撥之中添派都司虎坤元等兵勇一千名千總張朝光捷勇三百八十餘名以副將秦如虎爲統帶馳赴浙江相機堵剿至鎮江逆匪負嵎如故現派總兵虎嵩林統帶兵勇二千五百名駐紮黃泥洲一面督率

聞

兵勇緊攻鎮江府城以冀牽制逆匪不敢北犯
廣東續調之紅單船已有十二隻於三月初五
日抵吳淞口臣等已飛調入江先堵下游俟揚
州軍務就緒再行上駛奏入均報

同日胡林翼奏言二月二十五日知府李續賓
等移營甯濟二十六日進攻塘角賊匪伏於草

準民房暗施槍礮李續賓縱火焚賊茅屋斃匪
無算道員羅澤南率同知蔣益澧等直攻小龜
山知府銜唐訓方率勇至山尾截擊賊匪大敗
連日堅閉不出惟於城上施放槍礮三月初二
日因九江等處賊援大至該逆分門出撲羅澤
南派都司何紹彩等分投迎勦賊衆大潰我軍
乘勝窮追賊已大半入城餘賊五六百人閉於

城外盡爲我勇殲殺城上槍礮如雨羅澤南立
馬城門左額中槍子血流衣帶猶駐馬不移賊
亦不敢再出其撲李續賓營盤之賊亦爲官軍
分路截擊陸路之賊大敗官軍追至城濠通計
殺賊約二千人生擒五十餘名是日羅澤南受
傷甚重至初八日身故當派知府李續賓由竊
灣仍回洪山總領其軍數日之內賊復於保安

門外添築新壘三座臣與李續賓密計及其初
成全力破之遂於初十日派周得魁等分三路
圍攻立將賊壘攻破壘中守賊百餘人悉行殲
戮城中之賊復分路來援兵勇卽於城濠之外
整隊以偪賊而以百餘人毀平其濠壘更番接
戰斬獲甚多賊勢大挫遂將新砌之壘及長濠
六道一律毀平此次陣亡之外委陳達清曾玉

蘭唐訓得應請照把總例從優議卹文童鍾近
衡鍾楚池王嶽峯應請照從九品例從優議卹
其餘打仗出力員弁兵勇可否懇

恩彙案請獎奏入

上諭內閣曰官軍勦賊獲勝破賊新壘三座著胡林翼
督飭李續賓等激勵諸軍乘勝克復堅城毋稍遲緩
陣亡之外委陳達清曾玉蘭唐訓得均著照把總例

從優議卹文童鍾近衡鍾楚池王嶽峯均著照從九
品例從優議卹此次出力員弁兵勇並准其彙案保
奏候朕施恩

胡林翼又奏言布政使銜浙江甯紹台道羅澤
南以諸生講學宗法程朱其所著小學韻語諸
書體用兼備洵堪輔翼名教咸豐二年賊犯長
沙卽倡率生徒辦理湘鄉團練忠義至性感動

鄉里遂率其鄉人效力戎行轉戰湖南江西湖北等省克城二十大小二百餘戰每言首逆踞金陵則武漢爲必爭之地且南北樞紐亦以武漢爲最要自上年圍勦以來力攻九十餘日督催至嚴雖水陸弁勇中傷已逾三千人而忠毅之氣不容稍懈初二日帶傷甚重血沾衣帶尙能指畫戰狀臨危時總以武漢未克爲恨言不

及私該員之父羅嘉旦年八十一歲長子羅兆
作次子羅兆升均應童試合無仰懇

天恩俯准將羅澤南照二品陣亡例加等

賜卹並於湖北江西設立專祠其湖南湘鄉縣本籍請
建之忠義祠卽作爲羅澤南專祠所有該縣陣
亡之士民弁勇一併附祀以妥忠魂奏入

上諭內閣曰布政使銜浙江甯紹台道羅澤南以在籍

生員倡率生徒辦理團練嗣因楚省賊氛猖獗率其鄉人自效戎行轉戰湖南江西湖北等省大小二百餘戰克城二十朕嘉其忠義奮發屢著偉績由訓導超擢道員加布政使銜方冀其攻復武漢殄滅逆氛克膺懋賞茲因攻剿武昌乘勝追賊直逼城下受傷殞命覽奏之餘深堪憫惻羅澤南著加恩照巡撫陣亡例賜卹伊父羅嘉旦著賞給頭品頂戴伊子羅兆

作羅兆升均著賞給舉人一體會試以示朕褒恤蓋
臣至意並著於湖南本籍及湖北江西地方建立專
祠其湘鄉縣士民兵勇打仗陣亡者一併附入羅澤
南本籍專祠以慰忠魂

二十一日 戊寅 德興阿奏言據總兵武慶稟三月

十一日賊匪分五路來撲浦口並由西關及駱
駝嶺圍繞我營官兵甫自江浦撤回已形疲乏

加以賊衆我寡竟夕接仗未能稍息十二日復有另股賊匪由寶鳳莊及石佛寺抄來我兵力戰至午傷斃賊匪多名千總夏尊聖外委陳起盛同時陣亡賊復糾衆萬餘四面放火我兵力竭退至六合縣城現仍招聚前往浦口攻勦查浦口爲江北首要之衢該逆似欲打通六合東擾儀徵與瓜州賊巢連爲一氣武慶等現旣退

保六合該縣有總兵多隆武等馬隊及該縣練
勇千餘名又新派穆克登額管帶馬隊馳往六
合會勦向榮亦派張國樑赴浦口救援在六合
紮營武慶已會商進勦惟浦口自前次失守之
後經琦善奏派武慶前往扼防三載以來不下
百戰一無挫衄嗣經托明阿奏調伊興額馬隊
赴豫近又調撥西昌阿馬隊來揚該處存兵旣

單賊復大集實屬衆寡不敵諒邀

聖明垂鑒奏入

上諭內閣曰浦口爲江北要衝逆賊大股分撲總兵武慶駐守日久屢著戰功此次由江浦撤兵盡力迎剿雖因兩次將所帶馬隊奉調赴豫來揚而衆寡不敵以致失利究屬疏防咎有難辭武慶著革職留任以示薄懲現經德興阿派令穆克登額帶領馬隊前往

六合與向榮所派總兵張國樑等兵赴浦救援仍著
德興阿督飭武慶等會合進剿迅圖克復

德興阿又奏言三月十四十五等日賊匪疊次
來撲營盤經臣親督馬步各隊奮力痛剿共斃
賊四五百名該逆敗退西南一帶十六日逆衆
復由營西大至臣會同鄧紹良督帶兵勇出剿
斃賊二百餘名賊始回遁其薛家樓一帶亦有

賊山被富春等擊退其另股竄過新集之賊復經西昌阿等繞前迎擊又斃賊二百二三十名生擒十三名據供該逆欲由儀徵六合至浦口臣現又派已革遊擊滿祿帶兵四百餘名馳往儀徵隨同總兵李志和暨該縣文武嚴密防堵其濱江一帶亦據陳國泰稟報分撥師船扼要巡防奏入報

同日官文奏言二月十八日都司方映川等見對岸賊船上駛卽調集水勇划船追勦齊拋火彈燒燬賊船數隻奪船十二隻格斃賊匪多名三月初五日下午游金鋪山地方有賊千餘意圖上竄經副都統都興阿等揮令步隊向前迎擊馬隊分抄其後陣斬賊目十餘名斃賊三百餘

名生擒二十名復派馬隊於團風地方焚其運
國米糧斃賊百餘生擒四十餘名陣擒僞官熊
致和等三名其五顯廟卡內之賊亦經已革總
兵訥欽等奮勇衝擊殪其前鋒十餘人斃賊百
餘名初六日賊船竄泊南岸嘴等處訥欽等密
派兵勇潛往襲剿拋擲火彈燒其近岸數船截
獲礮船一隻槍礮旗械多件所有疊獲勝仗之

員弁兵勇可否由臣擇尤酌保以昭激勸之處
出自

天恩奏入

上諭內閣曰漢陽水陸各軍連日攻勦疊獲勝仗著官
文乘勝進攻力圖克復所有出力員弁兵勇著俟攻
克武昌漢陽後併案彙保候朕施恩

同日何桂清奏言江西賊勢蔓延浙省常山開

化二縣均關緊要必得另籌布置並准江西學政廉兆綸先後請撥援兵臣查廣饒爲浙江藩籬與其株守邊防自不若進援鄰境湖南臬司周起濱帶領兵勇赴玉山相度安營所有常山曹城一帶防務責成貴州安義鎮總兵饒廷選統帶閩兵扼要駐守其開化白沙關一帶與樂平德興接壤責成衢州鎮總兵富勒興阿實力

堵禦至臣前此奏調官兵一經合集卽須於常
玉山連營駐紮直出廣信以備進剿惟此次調
撥兵勇爲數較多且軍情變易靡常誠恐在防
鎮將狃於積習互相推諉必得大員統率以一
事權查有前任浙江學臣吏部侍郎萬青藜自
上年督辦協防局事務深知浙省情形且籍隸
江西於該省人地更爲熟悉相應請

旨飭下該侍郎督辦三衢廣饒一路防勦事宜所有文武官兵均聽調度節制現當軍情萬分緊急之際臣已咨請該侍郎星夜遄行與晏端書相機援勦力保江浙兩路臣仍飛咨向榮迅派威望素著之提鎮大員隨帶親兵馳赴廣信會同勦辦其常山開化防務及調遣各路征兵亦不可無大員統率署臬司繆梓熟諳軍務飭令前赴

常玉山居中控馭

同日廉兆綸奏言安仁逆匪因廣信兵勇扼守
貴溪遂分竄餘干等縣其撫州之賊亦竄建昌
該郡於二月二十八日失守撫建俱陷廣信益
孤贛南道耆齡駐紮饒郡所帶練勇不過千人
兼與此間聲息不通而廣信練勇頃已盡赴貴
溪一帶分堵其餘隘口甚多勢難分及該郡勢

據上游西爲江省咽喉東爲浙江門戶設使再
有疏虞非惟江省轉機甚難卽浙江自失藩籬
大勢亦皆震動惟有瀆懇

天恩俯念江省萬分危急

飭下浙江撫臣無論何項兵勇星夜急由玉山前進先

保廣信以通省垣及饒州之路俟援兵陸續趕
到立即會同進剿庶於兩省皆有裨益均奏入

上命軍機大臣傳諭何桂清廉兆綸曰江西逆匪因我軍扼守貴溪分竄餘干等縣並由撫州分股於二月二十八日攻陷建昌郡城賊勢蔓延朕心實深焦灼何桂清所稱株守邊防不如進援鄰境自宜如此辦理廉兆綸請飭浙省兵勇由玉山前進先保廣信以通省垣及饒州之路亦爲急援要著該撫現已飭饒廷選統帶閩兵駐常山曹城一帶調富勒興阿統帶

衢州兵勇堵禦開化白沙關一帶固足以保浙省門戶並著飛催各路官軍卽速由玉山直出廣信節節進剿廉兆綸仍當激勵民團藉資鎮壓至江西省城聞有被圍之信現在賊氛阻梗著廉兆綸設法繞路詢悉省垣消息並著何桂清派員偵探近日情形飛速奏報以慰廑念前吏部侍郎萬青藜籍隸江西人地較爲熟悉所有三衢廣饒一路防剿事宜卽著該

侍郎會同晏端書督飭將弁相機勦辦

上又命軍機大臣傳諭駱秉章曰江西情形危急劉長佑之軍雖經收復萍鄉而萬載一帶賊匪尙多恐難直抵袁州閩廣浙江應援之兵調撥亦需時日因思湖南南境業已肅清選用道王鑫帶勇素稱得力著駱秉章添撥兵勇飭令該員由茶陵州進勦蓮花廳一帶以爲劉長佑後路策應降調湖北藩司夏廷樾

前郴州知州朱孫詒均籍隸江西若令協帶兵勇赴援能否得力並著駱秉章查明具奏

二十三日

庚辰

翁同書奏言

臣前請調派直隸陝

西山東官兵駐紮清江原以防賊北竄今揚州收復高寶以上安堵無虞若仍令遠駐清江是置諸無用之地莫若催令悉赴揚營汰其舊存兵勇之羸弱益以新調官兵之精銳庶兵力可

期厚集餉項亦不致多糜至伊興額等馬隊亦
應來揚助勦俾得兼顧浦口奏入

上命軍機大臣傳諭德興阿鄧紹良翁同書邵燦庚長
曰翁同書奏請將前調清江駐紮之兵催令悉赴揚
營等語著邵燦庚長仍遵前旨將前調山東兵一千
名及伊興額等馬隊一千名俟抵清江卽迅速飭令
前赴揚營其前調陝西駐防官兵一千名著一併飭

多件共殺賊七八百名十六日石逆率衆數萬分踞橫梁香溪一帶周鳳山約水師分路馳擊斃賊多名陸軍進逼香溪猝遇賊之大股賊分四隊占踞山坡都司滕國獻等由右衝擊賊已敗退山左復出賊一股守備岳炳榮等不能抵敵滕國獻等率右路之勇回隊堵截傷亡不少十八日賊匪四路前來撲營參將阿達春等抵

禦東北李清華等抵禦西南岳炳榮等在後接
應時西路隄邊彭玉麟已派礮船幫同轟擊兩
處各斃賊匪多名其西南逆賊見東北賊敗遂
繞向東路抄在我軍之後岳炳榮等力難堵拏
逆賊乘勢緊逼致西南路各營不能兼顧傷亡
兵勇幾近千人營盤全失此次剿賊失利應請
旨將副將周鳳山守備岳炳榮卽行革職守備銜千總

黃玉芳草去守備銜周鳳山黃玉芳仍留營效力並請將臣曾國藩交部議處至陣亡之前任湖南知縣馬丕慶請開復原官照知縣例從優議卹訓導林長春府經歷李清華均交部從優議卹其餘傷亡兵勇容臣等查明照例辦理

曾國藩文俊又奏言臣等據探撫州府城於二十二日失陷該郡與廣信接壤而廣信又爲奏

報進京浙江轉餉之路關係緊要現調湖口李
元度一軍進勦撫州以保廣信調青山水師退
紮吳城鎮青山陸兵調赴省城上年九江湖口
水陸萬餘人今全數撤入內地目下所望以挽
回全局者在內惟李元度一軍在外惟羅澤南
劉長佑二軍袁臨之路久梗劉長佑迄無入境
確耗其羅澤南一軍及廣東防勦贛州之師請

旨再行飭催迅速來江援勦浙閩兩省與廣信建昌毗
連請

旨飭下該省督撫嚴密防堵以免竄越

同日胡林翼奏言首逆石達開於上年秋間由
湖北竄入江西又益以本境土匪賊勢益熾二
月十六日周鳳山以衆寡不敵全軍失利不特
江西全局震動卽南服數省亦岌岌難支湖南

選派五千人由東路赴援而江西西路州縣淪陷俱有大股賊匪阻截道路非節節搜勦不能前進曾國藩前次急調羅澤南回援是尙未悉羅澤南陣亡之事現在江水僅長五六尺春汛初起當可望其速漲羅澤南自帶之一千六百人新失主將必須慎選將弁派令專管以歸李續賓統帶臣前議分軍數千人往援江西此時

羅澤南身故無將可分情形固已不同且勦辦
大股賊匪非三四千人所能濟事曾國藩撤調
南康青山水陸各軍回援江西省城下游賊援
接踵上竄臣所轄武昌邊境盡與江西州縣毗
連賊蹤滋蔓道途梗塞援兵深入必須多攜軍
火錢糧乃免匱乏臣等再四思維惟有水陸力
攻決期進剿如卽時克復誠爲善計萬一久頓

城下卽以李續賓等全軍往援方爲妥善均奏
八

上命軍機大臣傳諭曾國藩文俊曰江西賊勢蔓延前
已諭令葉名琛等撥兵進剿計日當可起程劉長佑
一軍於二月十二日克復萍鄉縣城進攻萬載孤軍
深入復諭知駱秉章添派兵勇赴援亦可陸續趕到
饒廣路已令萬青藜督辦防剿除浙江本省防兵

外由鎮江調回師長鑣夏寶慶各勇一千四百餘名
由金陵派出秦如虎等兵一千三百餘名均可由浙
前進撫建一路已諭知王懿德等派兵三四千名由
建甯一帶進援冀可保衛廣信兼顧建昌現在該侍
郎等將九江湖口水陸各軍全數撤回舍長江而專
顧內地亦屬萬不得已之計但必須迅速設法使各
省援兵能與本省兵勇相接方可次第勦辦若內外

隔絕聲息不通援兵雖已漸集省城終屬孤懸大局
何堪設想著曾國藩文俊妥爲調度其援兵較遠省
分卽飭繞道催提一面酌量撥兵疏通道路俾近省
先到之兵得以迅速會合不可束手坐困致誤事機
至武昌同援之軍前已屢次諭催詎意羅澤南遽爾
陣亡且武昌此時攻勦正在喫緊本日復諭催胡林
翼迅圖克復以便李續賓回援江西曾國藩等自應

先就青山調回之兵爲力保省垣之計未可專恃此軍致成株待也再前據駱秉章奏江西失陷各郡千餘里內無一官一兵似此情形卽官兵克復城池過後必爲土匪竊踞軍行仍多後顧之慮著曾國藩等轉飭帶兵各員遇有克復地方卽由軍營派員暫爲管理令其撫輯難民辦團守禦庶文報往來餉需轉運皆可逐節疏通不致有旋得旋失之患

上又命軍機大臣傳諭官文胡林翼曰江西情形萬分喫緊本日據胡林翼奏羅澤南現已陣亡武漢如能迅速克復卽可派兵回援萬一久頓城下卽令李續賓一軍前往等語李續賓著留於湖北俟武昌克復後再行帶兵回援江西惟官文等節次奏報總以克復在卽爲詞朕心實深殷盼若徒以粉飾之詞遷延時日是武漢旣不能克復而江省復不能回援糜餉

老師豈非兩失著官文胡林翼督飭水陸諸軍將武漢剋期收復毋得再有遷延致滋貽誤

上又命軍機大臣傳諭葉名琛柏貴曰江西壤地毗連六省形勢極關緊要現在各郡縣相繼淪陷南昌孤危非四路援兵迅速前進不足以分賊勢而保危城著葉名琛柏貴將前諭調赴江西精兵五六千名飭令剋日起程馳赴贛州奮力進剿並將所需軍餉寬

爲籌備源源接濟無許稍涉遷延致滋貽誤

上諭內閣曰廣東羅定協副將周鳳山於克復樟樹鎮

後不乘賊匪未集速攻臨江乃敢遷延瞻顧致該逆
大股麕至抄襲官軍後路旋有挫失實難辭咎守備
岳炳榮守備銜千總黃玉芳接應不力亦屬咎有應
得周鳳山岳炳榮均著卽行革職黃玉芳著革去守
備銜周鳳山黃玉芳仍著留於軍營以觀後效儻再

不知愧奮卽著嚴叅懲辦曾國藩調度失宜著交部
議處所有陣亡之前任湖南知縣馬丕慶著開復原
官照知縣例從優議卹雲南候選訓導林長春湖南
候選府經歷李清華均著交部從優議卹

二十七日 甲申 德興阿翁同書奏言揚城收復後

賊勢環聚西南其運河東岸及東北一帶情形
較鬆惟逆謀叵測不敢稍弛防維 臣翁同書仍

駐邵伯會同總兵薩炳阿及文煜在六牘防堵
鄧紹良現由灣頭分兵扼守裏下河之路而親
駐南門寶塔灣與三汊河賊壘漸近實爲節節
移營緊逼之計其雷鳳翥所帶練勇三千餘名
除將舊勇一千名撥還文煜管帶以防沙頭一
路外所餘新勇二千名業經咨會鄧紹良歸其
統帶分別裁留別爲一軍令在灣頭駐守以爲

東北屏蔽一俟伊興額德昌兩起馬隊趕到清江後仍卽調回揚營酌撥馬隊分駐灣頭以壯聲勢北山爲大營後路現於楊家廟駐兵八百名新河灣緊靠南門紮馬隊一百名步兵七百名俾與鄧紹良之師互相聯絡其餘照舊分紮要隘至江南前派已革臬司查文經來揚協勦復由吉爾杭阿檄令截留常州所募徐宿壯勇

五百名現在揚城已復查文經及所帶之勇可以毋庸留揚免致聚勇太多與兵雜處徒滋流弊惟鄧紹良所帶兵勇一千二百五十名必須留此助剿其吉爾杭阿前派之廣東兵八百名虎勇三百名若必須調回鎮營亦可一併飭回再逆賊因疊次被創漸欲遁逃儀徵爲西面首衝該縣原有總兵李志和等兵勇一千餘名尙

形單薄今復由六合調回穆克登額飭帶吉林
馬隊來儀助防一面仍令富春由揚馳回六合
以便會攻浦口奏入

上是之

德興阿翁同書又奏言三月十七日逆匪麕聚
蔣王廟大營西面臣德興阿親督馬隊一面分
兵繞道截其後路該逆見官軍分路齊進不戰

而退臣德興阿復統領官軍分攻薛家樓賊壘
該逆出拒馬步各隊橫衝斜截立平三壘殺賊
二百名奪獲器械多件十八十九等日該逆誘
我深入官兵左右分伏中以勁旅迎敵斃賊數
十名該逆紛紛敗退二十日臣德興阿會同鄧
紹良親督馬步兵勇由大營西南分五路進攻
該逆首尾不顧兵勇直攻七里橋賊壘一擁而

入砍殺極多立將賊壘焚燬該逆合股竄向徐
家集等處我軍跟蹤追剿共殺賊四百餘名落
水淹溺者不計其數奪獲器械多件該逆經此
次懲創業已退卻惟徐家集等處尙有數壘臣
等惟有乘機卽攻遇敵則戰斷不容稍安喘息
以期次第埽平

德興阿翁同書又奏言臣等據探總兵張國樑

於本月十二日馳抵六合之龍池地方十四日
賊匪四五千人在毛許墩焚掠來攻六合縣城
張國樑卽揮兵衝擊陣斬黃衣賊首匪黨潰散
我軍追至水家灣適署六合縣知縣溫紹原帶
勇追至會合痛剿共斃賊千餘名奪獲旗幟器
械無算救出被脅難民數百名敗匪急向浦口
遁去我兵追殺四十餘里是日武慶亦帶同馬

步官兵沿途會勦張國樑於十七日拔營前進
往攻浦口臣等已飛飭江浦各營會同張國樑
乘勝進取以冀迅殄逆氛奏入均報

二十九日丙戌德興阿翁同書奏言逆賊現在樸

樹灣等處分段築壘與官軍抗拒西路地勢平
衍防不勝防瓜鎮賊黨往來勾通裹脅愈聚愈

多實屬衆寡不敵臣等前奉

諭旨調撥直隸陝西山東官兵共三千八百名均赴清

江交臣等選派得力大員會同邵燦以爲揚州

後路聲援今揚城已復北路晏如清江遠在上

游防堵情形稍緩似當先其所急擬請將此項

官兵一併調來揚營俾資攻剿再浦口現經克

復武慶已帶兵進攻江浦其張國樑一軍未爲

賊中所憚現在逆匪急圖西竄揚營兵力甚單
所調各兵驟難趕到可否請

旨飭令張國樑卽日帶兵由六合直趨儀徵迎擊並相
機會剿三汊河一帶賊壘更資得力

德興阿翁同書又奏言總兵張國樑於三月十
七日由六合拔營前進探知該逆於葛塘集地
方築壘二座礮臺五座經官軍分投攻擊賊卽

潛遁十八日張國樑等帶領馬步兵勇分路進攻見悍賊多名出巢抗拒經都司楊萬青等奮力向前砍斃賊目多名賊衆大敗立將礮臺五座全行平毀該逆分股遁入左右二壘遊擊李鵠勳首先殺入兵勇乘勢衝進合力勦洗計殺賊一千餘名十九日復分路環攻直逼城下該逆奪門而逸又被兵勇截殺斃賊八九百名立

將浦口克復零星餘匪或奔往九洲或逃入
江浦縣城擠溺江中者無數我軍追至江邊及
九里山等處復殺賊二三百名遂在浦口城外
紮營臣等現已飛飭武慶等乘此聲威迅攻江
浦縣城以期早日克復張國樑一軍自渡江協
剿以來疊次大勝實屬奮勇可嘉合無仰懇

天恩俯准將張國樑

賞加提督銜其在事出力各員弁容臣等酌保數員以昭激勸之處伏候

聖裁再武慶等於浦口失事本有應得之咎旋即督兵會剿立將浦口克復功過尙足相抵合併聲明奏八

上命軍機大臣傳諭德興阿鄧紹良翁同書邵燦庚長曰現在揚城已復清江遠在上游防堵情形尙不十

分喫緊而揚儀賊氛較熾亟應厚集兵力著邵燦庚
長仍遵前旨將前調山東兵一千名陝西駐防官兵
一千名俟抵清江卽迅速飭令前赴揚營其直隸防
兵一千八百名著一併飭令前赴揚營歸德興阿等
調遣至浦口現經克復武慶已帶兵進攻江浦著卽
飭張國樑帶兵由六合直趨儀徵迎擊並相就近
會同揚營新調各兵併力勦洗三汊河一帶賊壘以

期迅速掃蕩

上諭內閣曰官軍踏平六合賊壘克復浦口卽日進攻
江浦縣城著德興阿等嚴督將弁乘勝勦洗勿留餘
孽張國樑渡江協勦疊獲大勝此次迅復浦口實屬
可嘉著賞加提督銜武慶著開復革職留任處分其
在事出力員弁著德興阿等查明保奏

德興阿翁同書又奏言揚州西路賊壘疊經官

兵埽平數座該逆仍踞西南一帶時出擄掠二
十三日復乘夜來撲我營先經官兵瞭見卽開
礮轟擊該逆漸退共斃賊七十四名據生擒賊
供該逆密議數日乘夜劫營如再不能打通卽
分股往儀徵查儀徵雖有馬步官兵一千餘名
在彼駐紮究嫌單薄臣等惟有權其緩急相機
布置奏入報

